

Javna rasprava o prezentaciji radne verzije Drugog nacionalnog izvještaja o provedbi Aarhuske konvencije u BiH – Banja Luka

27.11.2013., Ured OSCE Misije u BiH, Banja Luka

Zapisnik

Učesnici: Pogledati listu učesnika u prilogu

Uvodni dio

U uvodnoj riječi predstavnice OSCE Misije u BiH, predstavnika FBiH Ministarstva za okoliš i turizam i predstavnice Ministarstva za prostorno uređenje, građevinarstvo i ekologiju RS, te predstavnika Centra za životnu sredinu Banja Luka - Aarhus Centar dat je pregled sadržaja izvještaja same implementacije Aarhuske konvencije (AK) i izrade Drugog nacionalnog izvještaja o provedbi Aarhuske konvencije u BiH (NIR 2013.) Power point prezentacija je dostupna na www.aarhus.ba

Komentari/pitanja učesnika i pruženi odgovori

- Predstavnik Centra za životnu sredinu Banja Luka – (Aarhus Centar Banja Luka) je naglasio da je dostavljanje odgovora od strane institucija BiH za izradu NIR-a 2013. bio mnogo kvalitetniji proces nego dosadašnja praksa, ali ne i u smislu značajnijeg kvaliteta dostavljenih podataka koji su uvršteni u NIR 2013. Dalje je rečeno da sam proces predstavlja pozitivan primjer učešća i saradnje vladinog i nevladinog sektora, ali da postoji još mnogo posla i izazova na pripremi relevantnih, konkretnijih i kvalitetnijih informacija o implementaciji Aarhuske konvencije koje se dostavljaju od strane institucija.
- Opisan i pojašnjen je proces revidiranja Izvještaja u Sekreterijatu za Aarhusku konvenciju (AK) (Odbor za usklađivanje).
- Naglašeno je da nevladine organizacije imaju mogućnost da upute nezavisne komentare Sekreterijatu AK, ukoliko nisu zadovoljni procesom pisanja izvještaja i njegovim sadržajem - to je tzv. Shadow Report (Izvještaj iz sjene).
- Navedena je i bitnost javne rasprave kao društvenog alata putem kojeg građani mogu dobiti odgovore na njihove primjedbe i pitanja, te putem kojeg mogu uticati na donošenje odluka. U ovom slučaju na informacije sadržane u datom izvještaju.
- Učesnik javne rasprave i predstavnik Inspektorata RS-a je naveo da Inspektorat ima kontakta sa NVO sektorom kao i saradnju, te da javnost obavještava kroz svoj praktični rad i predstavke koje dobija od javnosti. Inspekcija postupa po tim predstavkama. Nadalje, naglašeno je da je praksa takva da po svakoj dobijenoj predstavci, u skladu sa Zakonom o javnom informisanju RS-a, Inspektorat pisanim putem obavještava stranke o ishodu predstavke, tj. stranku koja je dostavila predstavku. Obavještenje o predstavkama se vrši i telefonskim putem. Također je navedeno da Inspektorat javnost obavještava i

putem službe za odnose sa javnošću (PR) kao i objavama u medijima. Dat je i komentar na dužnost Inspektorata RS u implementaciji Aarhuse konvencije, gdje je predstavnik Inspektorata naglasio da institucija ispred koje on dolazi nema obavezu sprovođenja procesa primjene Aarhuse konvencije, jer djeluje prema Zakonu o opštem upravnom postupku i Zakonu o inspekcijama. Dodatno je naglašeno da obavezu sprovođenja i sudjelovanja u procesu imaju isključivo oni koji donose pravne akte.

- Predstavnik Centra za životnu sredinu Banja Luka - Aarhus Centar je također naglasio bitnost specifičnosti rada Inspektorata, tj. da imaju informacije sa terena (Podaci o dozvolama i o adekvatnoj implementaciji dozvola). Navedeno je da su to informacije koje Inspektorat prikuplja i koje bi trebale biti dostupne javnosti, te koje se mogu iskoristiti za proces unaprijeđenja sistema u domenu okoliša.
- Predstavnik Inspektorata RS je naveo da Inspektorat ne prikuplja podatke, nego radi kontrolu objekata i vrši provođenje zakona, ali ne sačinjava izvještaje. Ima samo obavezu podnošenja izvještaja Vladi RS o provedenim inspekcijama nadzorima iz svih oblasti, a Ministarstvo je to koje je zaduženo za katastre i zbiranje datih informacija.
- Predstavnica Ministarstva za prostorno uređenje, građevinarstvo i ekologiju RS je navela da ministarstvo čini napore da sve odluke učini dostupnim javnosti putem web stranice. Također je navedeno da se oni rokovi na koje utiče Ministarstvo, moraju poštovati kako bi se ubrzao proces rada.

Zapisnik sačinila: Emina Durmo